

兩朝從信錄

兩朝從信錄卷二十三

秀水 沈國元述

七月

林汝翥自詣遲化軍門獄

翥懼未受廷杖而先殞命于中官之毒毆以逸出都門詣遲化撫臣獄求欲代題各道潘雲翼等空官孫瑋各疏救不允執前旨如故已而被杖創甚幾斃

決蘭酋賊首

御史都等處決羅亮洪斬首 翥崇輝劉屍梟首劉仲賢等首級剉碎仍與各犯首級傳示各邊昭布天下

紅夷屢擾閩中近復勾引日本倭人通連地方奸滑敢干西寨古甯一帶燒劫而我將士玩愒不前寧謐無日于是

撫臣南君登請

旨申明賞罰以振國威以惕人心而又親閱邊海議戶要之防嚴通倭之罰闡出有禁越販有禁八閩賴以安枕可謂無忝于撫

失火內使郭光裕李福楊國貞崔吉祥等罪責降貶有差文書房傳出

聖諭六科廊被災所有原貯文冊係累朝典章見行規例俱屬緊要文書當即補查照后開郊廟群禮聖節冬至節四季中秋等節乾清宮坤寧宮各王府公主等府御馬監各司庫駕等衙門各該通用各項錢糧并天下田賦戶

口文武職及俸祿五軍都督府京營各衛兵制及邊鎮兵
馬糧草額數錦衣等衛官軍鹵簿駕儀人壽山謁陵幸學
耕籍大閱朝儀纂修經筵日講大婚王子誕生冊立出閣
講學王府冊封喪禮科場廷試內宮賞賜各邊閱視審錄
熱審恤刑四夷貢賞一應文書着在京五府六部都察院
六科寺府監衛各衙門各照經管職掌通查存貯文案章
奏副稿開寫明白簿籍六科廊以備查考仍查緊要文冊
刻期寫送 傳兵吏部

禍及留都
楊公首發
其狀可謂
幽突從弱

南禮科楊棟朝奏曰魏忠賢種種罪狀憲臣楊漣疏臆列
甚明諸臣糾論更悉臣不敢再爲掇拾以瀆

天聽獨計其溪壑無涯之慾搜括之術漸及留都籍
明旨以恣盜行假傳造以櫻公帑如龍旂如蠶袋據所頒
式樣上料撮要銀五六十萬黃綠之奸党仗爲冰山鉅萬
之金錢盡入私橐裁絀過甚則群小必開口而訴曰會與
內邊魏公處費了許多使用稍不稱意又私相計曰必急
走北京魏公處弄得一

嚴旨下來夫官禁何地票擬何事宵小大言無忌敢干玩
弄是

陛下遂密之處爲忠賢壘斷之所詎可謂無外人知之覺
也今近而中國遠而四夷孰不知

言得髓頭
是說

朝廷之上有一惡瑣魏忠賢者是可生死爭奪人也。是得
竊票擬之權。而大臣小臣惟所黜逐也。從此而趨避赴臭
者。遂非分之求。耿介忠直者。灰任事之念。邊疆自此日威
盜賊自此蠡起。宇宙無光。兩間若晦。詎非忠賢一人爲之
起禍作祟哉。惟祈

陛下以漣一疏。逐一省覽。

勅下法司。嚴加勘問。如果情理未真。則諸臣當伏妄言之
罪。如研究得實。則或誅或遣。自有

聖明英斷。并

祖宗三尺在。恐不能爲忠賢貸也。如此則閣臣必不求去。

小臣必不紛紛人情之惶惑盡消東西之戡定立待萬代而下將頌

聖天子一番勇斷一番振刷而

朝野臣民且共欣躍于清明之化理矣

又照汗青
之經下古

御史李應昇請念死諫之臣作敢言之氣疏曰臣聞唐魏徵對太宗有言願陛下俾臣爲良臣毋爲忠臣良臣稷契咎陶也忠臣龍逢比干也稷契咎陶荷美名而君罹顯號龍逢比干嬰殊禍而喪國夷家唐宗魏徵可謂君臣相遇千載一時矣三復其言猶有餘痛

皇上御極四載寬仁恭惠覃被臣工人人仰

聖明天子。近者盈庭請劍。憑社難持。孤憤銷沉。三光黯蝕。
原任工部郎中萬燦以陵工補贖。遂觸

震威。然恭請

明旨。一則曰從輕。一則曰爲民。仰見

皇上聖明。以爲燦之罪。不至死矣。杖亦必不至死。意燦生
出國門。編氓原籍。長爲

皇上太平之民也。而燦今死矣。未報國恩。先填溝壑。六
尺之孤。繞膝八旬之母。倚閭旅觀。無歸遊魂。戀闕臣僚。飲
泣道路。咨嗟然無不共亮。非出于

皇上之心也。彼時群璫橫擊。血亂神飛。監杖張威。傷痕甚
重。兼以倒拖逆拽。蹴踏摧殘。種種不支。故出于此。而令

皇上損好生之德。負殺諫臣之名。臣故不暇爲萬爆冤而
深爲

皇上冤也。且天下士大夫所以激昂奮發。不能自己者。獨
念

祖宗養士二百餘年。禍在蕭牆。且在旦夕。故懷忠仗義。感
恩圖報耳。而一言觸忤。褫辱身死。豈所以作忠而勸士哉。
夫緘口以待遷厚利也。危言以招戮實禍也。身死而天下
悲其忠。虛名也。含榮妻子肥身家之計。而削影編戶。取侮
于鄉里。小兒區區博此虛名。饑不可食。寒不可衣。將焉用
之。况乎傷殘父母之遺體。備諸楚毒。以從龍逢比干于九

原此魏徵所以不願爲忠臣也。懸之以必死之法，而求批
鱗折檻之風。雖賢者猶或難之。若曰：吾不用直言，而可以
致治，則是割心不亡，腹誹不滅，而惟言莫達。孔子不以爲
一言喪邦矣。臣切願我

皇上惻然興思，瞿然動念也。

皇上元首也，臣子其腹心手足也。人非奴隸，法非訊囚，罪
非死刑，命非草芥。廷杖重典，殊失士心。動杖一百，尤不
經見。且以杖輕之故，杖行刑之人，是必欲衛士畏威，立斃
朝士于杖下，而後快心也。爲左右計，則得矣。

聖心何以自白。

聖德寧不重傷耶直俟

天心悔悟平旦興憐死者不可復生傷者不可復續而後問罪左右卹死錄孤嗟何及矣昨禁地失火。

天譴甚明心火蘊隆于下精稜感盪于上御史之杖血方腥祝融之烈焰旋作董仲舒曰罪在外者災外罪在內者災內可謂深切著明矣伏冀

皇上因建言者之死覺借威者之非優容言官喜怒中節無致積威所劫人興遯思天怒而莫之敢告人怒而莫之敢言而

皇上真孤立于上也繼而黃尊素王振奇杜三策周洪謨。

萬言揚等。各上疏報。已有旨了。不必漬援。

御史劉廷佐奏。人臣有言。不當猶望。

主之能容。故引裾折檻。季世中主。猶宥之。留爲美譚。

先皇帝期。

皇上爲堯舜而忠賢不顧。

皇上爲何如主使。

皇上有斃直臣之名。傳之裔夷書之史冊。大爲懿美之累。其極惡巨罪。又浮在二十四款之上。

皇上可仍親信之。倚任之。不亟加誅逐乎。

初封三界伏魔大帝神威遠震天尊關聖帝君。

據傳聞萬曆四十二年神號出神廟特封自內使捧案
冕至廟中未經禮曹不得其詳至是奏請定正
詔海
內遵
行

加張五典兵部尚書終養仍候起用

詔進大學衍義補

命行人呂邦翰護送大學士葉向高回籍

大學士葉向高陛辭疏曰臣聞蓋臣之事君也不以身之
去而忘

社稷之憂

明主之待臣也亦不以人之愚而忽葑菲之采昔有至逆
旅者懷其一飯既去猶爲之洒掃庭戶以謝主人况臣受

恩

三朝至隆至渥無可仰酬今歸伏田里遠隔

天顏永無抒忠之路所有犬馬下情能默默不一吐于

君父之前哉然亦不敢多言煩禱以達

聖聽惟將其最要最切必不容已者言之

皇上一身天地

養身

祖宗臣民之所係屬也其關係何如養身之道莫善于寡

欲寡欲則心志清明筋骸強固非但延年亦可廣嗣故昔

聖人著訓少之時戒之在色

皇上春秋鼎盛情竇方開適日

天顏似微清。減寡欲之義。萬不可不留神也。

君臣之分。雖尊卑隔絕。然

君爲元首。臣爲股肱。

君爲腹心。臣爲手足。一體相關。無分彼此。

皇上御極以來。待大小臣工。恩禮可謂厚矣。近因陳

奏煩多。致干

聖怒。雷霆屢震。

駕帖頻傳。以數十年不行之廷杖。三見于旬日之間。萬

燥已亡。林汝霖、汪文言亦將就斃。雖言者不無過激。而論

以

君臣一體之大義所傷多矣。長此不已。將至上下相猜。收事阻格。奸雄夷狄。聞之。且復生心。昔符堅欲攻晉。其臣諫沮曰。晉雖僻處江南。然君臣輯睦。尚未可圖。故內讐不生。則外讐不足患也。臣願

皇上當多艱之日。深懷一體之念。委任大臣。優容言者。

廷杖之事。萬萬不可再行。其以前譴謫王紀。文震孟等。盡賜召還。而群臣亦仰體

聖意。若有論奏。平實婉明。勿以忠愛之心。而過爲激昂之說。勿以藩籬之見。而輕開禍釁之門。至于

內廷近侍。朝夕左右。中間固有調護勤勞。

朝廷所不及知。然但未挽回。

聖心。力行善事。一時雖不見亮。久當自明。卽人不能明。天地鬼神。亦當明之。歷觀漢唐以至。

國朝中官之邪正善惡。昭然清史。並未嘗漏却一人。如必以憤激作快意。彼此紛拏。終至決裂而愈亂。無以解于悠悠之口矣。此臣所忠告于內外之諸臣也。自古禍亂之生。多起于凶戾。民既窮無聊。非爲盜賊。不足救死。緣林之嘯聚。黃巾之橫行。皆此類也。今歲江南洪水爲災。數十年所僅見。

國家財賦之區。盡化鴻夷之窟。山東地方。復苦荒旱。瘡痍。

未起溝壑又填此非破常格勞來拊循必無以安民心而弭禍亂臣備員綸扉見東南之民最苦織造地方官時時爭論當此災傷之極必復陳請誠得早沛

綸音擇其可緩者暫停一二年亦收拾人心之一道也

國家財力半竭于邊疆往臣在政府

封疆無儆計臣猶慮額撥帑國用莫措然尙有兵工太

僕寺可借其後各藏俱空專靠內帑卽臣在事三年所

請帑金至六七百萬今內帑亦窮矣而東西之役未

休額餉日加竭天下以來一隅猶苦不足臣不知戶部何

以支吾廷臣亦遂恬然不復談及臣恐事窮勢極有不

止于脫巾鼓譟而已者。

皇上爲社稷計與中外諸臣爲

皇上計萬不可不亟詣也。三代以來

天子親衛之兵皆列于禁城之外。唐雖使內臣爲神策。然其所領猶外兵也。自遼左失事。九重戒心。乃擇中官之健者爲兵。遂日訓練銃炮之聲。徹于外廷。古稱軍容不入國。况宮廷之內。肝腹之間。豈宜有此。臣知在今日。必無可慮。而在他日。實有隱憂。

皇上既許謁陵後罷之。臣何敢復言。但謁陵之期。遠近未卜。宜權時免其操閱候。

聖駕展禮時再行演習未爲晚也以上數款雖人所共知而實則

國家精神命脉治亂安危之大幾畢繫于此臣自度衰老力不能爲恐負誤

國之罪不得已而去不忍不言所望

皇上自愛其身又與群臣通爲一身群臣亦皆以

皇上爲身官府內外以及四海九州疾痛疴養無不相通

關節脉理隨處周流天下事乃可爲耳西南酋終不能大

肆督臣才自足仗東事則關內外防禦俱已備飭奴必不

敢深入而毛文龍又牽掣其後亦是一奇此輔臣孫承宗

內長于外
一語包全
無展

方書要訣
醫國名言
三百年來
無此奏疏

拮据料理之力。可謂勞苦功高。臣書生也。莫効一籌。私心所愛。內甚于外。故敢陳其愚慮如此。

禮科劉懋奏曰、

皇上登極四年、育

皇子女共四位、乃一歲之中、相繼而逝、為

祖宗來未有之變、人世間不常之遭、無論

皇上天性真愛、痛心難割、即屬在臣民就不悲愴、我

皇上孑然一身、早失怙恃、中鮮手足、所幸麟趾衍慶、前星

助曜以綿

宗社之安、繫兆億之望、而不期天之不如人意也、臣昨訓

皇子薨逝之故。原因慢驚風。蓋驚風有急慢兩種。其中驚風。又有胎中、生後兩端。凡受胎之日。血氣交凝。母子同脉。苟震撼之威暴。雖間有驚。入于胎。無有不驚者。故生子而額有赤文。頭有統骨。是胎中受驚之形也。既生之後。知覺漸生。神魂未全。而震之威暴。然觸之。有動有不動。入于內神。亦無不驚者。故長而斜有青痕。髮有沾豎。是生後受驚之形也。受此兩驚。日煎月劑。神氣漸耗。形色漸瘁。調養已難。爲力矣。若又不善保護。再加震驚。因熱而動。是感于陽也。目直視。口吐涎。涕哭有聲。名曰急驚風。不過三日。十有五全。若乘虛而入。是感于陰也。目半閉。口撮縮。涕

哭無聲名曰慢驚風縱延多日十有九危今查

皇子受症于五月二十九日薨逝于六月十六日延捱半
月餘而不能救是以知爲慢驚風胎中生後兩受驚者也
此等病症小民之家固時有之皆原不善爲保護也若
皇妃恬養于深宮之內

以漸而說
入內禁苑

異有體

形容妙絕

皇子隱臥于保母之懷有何惡聲疾感交加受驚者也再
三思維則內操之故也臣每早起朝侍班卒聞銃炮之
聲、如迅雷傳于天角、屋瓦爲戰、河水爲波、臣等手足皆
爲動搖、重門之隔百步之外尚爾如是况 宮禁之地密
邇肘腋之間震撼更烈聲聞尤疾雖然皇妃習于常聞

而不覺。保母慣于久聽而不知。而聚精未堅。成。形。未。固。能。無暴加而撼動者耶。

皇上兩年四育。而皆不克終。是以知爲內操之故也。藏利刃于臥榻之傍。禍機尚隱。而有待蓄。殃殺于長養之地。毒氣更烈而難堪。

皇上聰明

天縱誠體念及此。果能一息安寢乎。已往者不可追。而方來者不早爲計乎。但內操一事。原

聖心深慮。以戒不虞。見今諸

大典禮。尙未舉行。何敢遽望停止。再四圖維。有可以收養

善爲用兵
之計

調養保護
不可不善
人皆冲主
不可不詳

兵之用而不受操兵之害者莫如將內操各兵發出城外
武場合營合隊竝演比偶較射或另立一營自行局陳飛
矢走馬一如內操自辰而出自酉而歸囊弓發矢潛入得
勝門內藏刃武庫以應肅殺之氣更換常服環衛禁地
以養陽和之脉庶幾兵仍在內而內地不受震撼之驚况
以衆鼓氣則氣益壯以衆較技則技益精視單騎虛發徒
作眩目之觀無益修備之用不相遠哉如是而和氣致祥
靜則能生有不下斯男弄璋弄瓦累累者臣不信也乃既
生既育矣調養之術宜講而保母之選宜慎矣何也子甫
脫胞餓飽之節嘆喜之性惟保母能爲默體倘保母不習

調養之方。乳哺失其節。喜怒違其性。已失天和矣。若又輕而更換兩乳。臭味不合。必致惡發嘔吐。加以漸次認識。又哭啼不食。盈日之內。而中氣又傷矣。此保母關係最重也。必選老成醇善者。一乳三年。再不更易。則子與乳相尋慕。逆而神不旺。形不壯。百病不潛消者。臣又不信也。夫千金之子。慮筭裘之傳。得一子。而防衛之密。哺乳之周。靡在不用心。况

天地祖宗之所托重。億兆臣妾之所仰賴。關係何如。而可以屑越當之乎。願

皇上之深思早計也。臣又聞人之生也。受氣于精血。而酒

怒爲最耗血者也。傷而能銷骨。故一醉則百脉亂。一怒則全神解。精之所以不固也。心以統血。而憂能傷心。氣以行血。而鬱能滯氣。故憂多則血枯。鬱久則血竭。血之所以不和也。我

皇上春秋鼎盛。血氣方剛。則戒酒毒。懲暴怒。以固陽德。厚恩愛。均雨露。以滋坤元。而培室。豈非今日發祥第一方術乎。草疏已畢。忽聞前廊火發。急趨長安右門。兵匪不可入。兵猶火也。不戢則焚。主于肅殺。又陰也。原陰鬱火不殺。又決裂橫發。故鎗鈴之制。皆屬金銅。火鬱極陡發。遂至迅速而不可遏。物理也。今

臨御之候忽然夾發而又屬章疏收貯之所人事感召豈
爲無因

天心示警豈爲無意則降伏陰條以疏通陽德貴在鍾和
氣于

清禁仰答

天眷端必繇之矣

河決

六月初三午時黃水洶湧魁山堤潰四散奔流冲
裂徐州東南城垣平地水深丈餘淹死人畜甚多

平遼總兵毛文龍進呈地圖并陳戰守糧餉軍需事宜

上曰覽奏具悉海道情形戰守等事聽相機行有在內及

各鎮相關的、不妨商確、但不必露章傳布、餉銀緊急、着遵
屢旨措處給發、器甲火藥、并天津本色糧布、俱速解給、給
圖留覽、本內保舉官員甚衆、以後不係軍中緊要事情、不
得輕議、

賑恤山東江南水旱災民

帝不豫、改明年二月視學

島師三捷

毛文龍兵至把骨寨、骨皮峪、分水嶺、三戰三捷、斬
級四百五十、俘獲活夷二十餘名、所得馬匹無數、
杖禍首傅國興一百、充南海子淨軍、

命大學士顧秉謙、朱延禧、捧

冊封

光廟選侍傅氏爲 懿妃李氏爲 康妃

詔冊葬懷寧公主于永寧公主墳側

說者曰此亦節省之一端也按順妃及一懷冲太子喪禮俱自去年十月起至今將及一載一靈前供養每月共費銀八百餘兩各監軍卓及湯便折銀每月三十餘兩又支糧糯米二百餘石總計一年所費銀四萬餘兩換爲米二千餘石可謂不費矣若總算皇二女之衣更當何如此御史王祚昌有喪禮宜請旋有此命是皇上能以禮制情者矣爲之一快

南京兵部等衙門尚書陳道亨右侍郎岳元聲等論權璫
公疏曰臣等遠在南中近日屢接邸報左副都御史楊蓮
有逆璫怙勢作威專權亂政一疏列東廠太監魏忠賢罪

狀恭奉

嚴旨又見魏忠賢孤臣慙直招言董辭東廠一疏恭奉。
溫旨因是在廷諸臣前後疏劾忠賢罪狀宜覈楊漣疏奏
宜納並奉

嚴旨群臣爲之駭然頃見閣臣揭帖奉

旨諄諄乃知

皇上竟念忠賢今昔之勞不忍聽其陳請不但不加查處
而已于楊漣則謂其指摘牽誣非無因而發不但不賜採
納而已又責群臣隨聲附和紛紛貢擾不但不蒙優容而
已此以知

聖心堅如轉石。卽臣等奚容益之瑣耳哉。然竊凜凜伏思
皇上一心宮中府中之所取平。大臣小臣之所稟命。假如
贊御。嫉近之臣。以一指蔽周天之目。片雲掩白日之光。竟
令盈廷忠侃。口噤心慄。曾不得關苦詞。伸明法。將使天下
後世爲

皇上此舉何

先帝嘗命漣等輔

陛下爲堯舜之君。言猶在耳。漣竝受顧命。又感

陛下拔起之恩。其奮激觸邪。以其見聞之真者。入告正漣
忠于

陛下之職分。豈敢妄有牽誣以竇。

聖明臣等知其必不然矣。不第楊漣而已。卽在廷大小諸臣。一時盡抒忠赤。疏論忠賢惡貫既滿。必不可容。楊漣疏詞逼真。必不可棄。此豈盡讐于忠賢。而比昵于楊漣哉。凡以公聽竝觀。見忠賢假以小勞。恣其大逆。是以部寺科道諸臣。各殫一心。以効于。

皇上。奚容致疑。不第廷臣爲然。臣等仰窺。

皇上以英明果斷之資。視朝勤政。講學不懈。竝聞宮中不遇聲色。不事逸遊。不貴玩弄難得之物。不厭披閱章奏。而又從諫如流。任賢勿疑。似此舉動光明。宜庶幾于承平之。

理然至近年四郊多壘而未弭又加以天災地變物怪人妖種種遞見雖中外大小臣工官守言責亦各恪恭厥職而卒左支右吾撐持不逮邇來愈見朝政參差國勢

如是假令十有一真已足虧損。

聖德傷和致戾况如廷臣博採就中十無一虛。

陛下尚且拒之不信獨信一忠賢而不疑豈諸臣反出忠賢下哉豈任忠賢服食起居之勞便足致。

皇上于堯舜之理哉臣等又有以知。

陛下之必不然矣。

陛下秉道嫉邪洞燭事機若徒念忠賢勤勞末節遂舉魁柄而授之恣所竊弄任其決裂姑息養奸優柔釀亂謂將以是酬勞何待宦豎之太重而視天下太輕耶天下者祖宗之天下家法者

祖宗之家法

太祖高皇帝首定律令內官祇供使令灑掃之役違者法無赦今忠賢違法若此而不一問將如

祖宗何夫不法

祖宗卽非所以爲堯舜竊恐

先帝在天之靈必惻然有恫于忠賢矣臣等益用凜凜合

詞上請伏乞

皇上勅下閣部集科道諸臣將憲臣疏列忠賢罪狀及群臣疏論情節逐款叅實情罪覆疏

上請恭候

聖裁卽賜處分以消肘腋隱禍萬一垂念其今昔微勞姑宥顯戮亦乞亟罷厥務置之閒宅仍一一暴其罪狀布告中外俾咸知

陛下威斷明察去大孰以順人心豈不休哉而又慎選小心謹慈近侍填補監局供事諸凡一遵律令勿得相沿專恣如是而官府一體

祖法昭明咸覩

陛下英資篤學漸登堯舜上理其于

先帝惓惓顧命之重煥乎其有光矣奉

聖旨遣南京九卿公疏所奏事情屢經諭明已有旨了該
部知道

八月

禮部左侍郎薛三省充

實錄副總裁編修姜日廣充纂修官

順天鄉試主考左庶子李康先左諭德王祚遠

時初九頭場因科舉數至六千餘名人多雨猛阻寒喧填府尹點名多不能識聽前應遂至已刻方出題監場提調皆引咎

御史袁化中叅革錦衣陳居恭職

黔師剋岩頭寨

甌里一司乃興清偏鎮之藩籬官道轉輸之咽喉也先年香爐山苗賊披猖三載始殄故甌里建造城池世爲屏障自安酋賄結平茶羣苗各修宿怨始而困甌城既而據岩頭漸次窺伺香爐山搖動四衛梗塞糧運賊計

宣大備虜

校矣。竊里土官楊世蔚，獨力難支。飛書告急，且欲還城。交甲、乘官他徙，于是總督議以藩籬撤去，則運道益危。乃發大理、曹欽率兵，馳至清平，相機進剿。一面移會督撫二院，就近催發新兵，策應并接。道府督催，振餉後援。今一戰克復，岩頭斬獲多級。竊里有險可據，賊不敢再窺香爐、四衛、安枕，運道不便矣。

順義王曰：古兇貪狡異常，然僻處遠塞，其近邊而居者，皆繫囊部落也。年來深謀秘計，必欲據其穴，并其衆，則邊愈近，勢愈張。今信然，悔衆我至，不得志于彼，必求逞于我。名雖修貢，情殊叵測。故撫臣王國楨令各堡將士悉心警諭，防備倍嚴，以保無虞。

禮科盧時泰條陳時弊九極：一曰民生凋敝之極，一曰財用匱乏之極，一曰仕路躁競之極，一曰老成凋謝之極，一曰人心渙散之極，一曰法紀凌夷之極，一曰名器濫觴之

極一日風俗奢侈之極一日災異譴告之極

詔肅朝儀

是日

上御門左班有嗽聲六科奏事聲低御史糾儀出班奏事太遠聲低不明爲此

戒諭以後朝官進左右掖門勿高聲說話嘗朝俱服青錦繡不許用天青明綠顏色着鴻臚寺傳示各衙門一體遵行

褒封五經博士孟所譽母張氏貞懿

耕藉田

命照萬曆八年

例行

加順天中額五名因視學監生侍班人多後不爲例

禮部

會典與服之禁

時戚臣多越分比例互請肩輿不知非例

洪武中一款內坐轎止許婦人及官民老疾者

乘之在景泰四年一款在京三品以上許乘轎其餘不

許違例在外各衙門俱不許乘轎在弘治七年申明兩

京及在外文武官員除六部

官及文武例應乘轎者止許四人扛擡其兩京五府官

事并內鎮守守備等項公侯伯都督等官不分老少皆

不許乘轎違例乘轎及擅用八人者皆實奏聞又萬曆

三年奏准武職衛門及勛戚等官俱不許潛用四人圍

轎與肩輿交擅用交牀上馬違者聽科道官及巡視衙

門參奏重處今皆違例借用甚至士人服紅黃優隸穿

珠履遊人張涼傘于都中僕役服色木子朝內商

人自丁冒監頭巾不知是何出身而朱履便服借用馬

扇不知是何官級相應嚴諭九部出示申飭者也

黔師破平茶

陝西地震豕妖

恤商

署國子監祭酒事禮部右侍郎蔡毅中監臣金維基博
士門洞開鄧光舒王裕心助教張翰南徐伯微姚士儒
孫世裕董天胤學正王永興蔣紹堦學錄聶雲翔杜士
基典簿萬民慈典籍陳烈等請納忠言以杜禍源安
宗社疏曰臣等在監日以忠孝節義之道教訓諸生凡事
惟遵監規不敢一事一行有違 祖訓為

皇上敦風化之本源也經曰天子將出受命于祖受成于
學蓋言學校為積思廣益之地為天下公議所從出也
臣正與諸生講為君難一書忽接左都御史楊漣論劾
內監魏忠賢二十四罪疏合監師生千有餘人無不鼓

掌誨慶以為

皇上有忠正之臣如此察亦有忠直之友如此祖宗社稷有靈得忠正之臣如此以為

皇上見疏必慄然悟赫然怒雷霆之威加以三尺將疏發下九卿科道逐一究問以正權璫之罪矣及奉

聖旨乃

皇上不惟不行而以一切朝政皆云親裁是

皇上以奸璫為真忠真賢而代受其過矣合監師生無不捫心愁嘆不已也臣謂二十四罪魏璫之奸膽顯惡大端畢盡矣臣不敢勅說雷同以資

天聽經云毋勦說毋雷同必則古昔稱先王夫勦說者襲
取他人之說以為己說雷同者聞人之聲而附和之也

臣皆不敢惟則古昔稱先王臣敢為

皇上陳之古昔三代而後漢隋唐宋諸君其受權璫之害
與處權璫之法載在通鑑臣不必言

太祖高皇帝及

列聖受權璫之害處權璫之法載在

寶錄臣不必多言但取至近至親如

武廟毅皇帝之處劉瑾

神祖之處馮休二事願

皇上遵之夫劉瑾在

武宗左右其初不可謂不善承事稱狎親矣不可謂不信
任不聽從矣後一聞諸臣之劾奏夜半自起擒而誅之
武宗之威明何其決也今 國史載之以為千古美談然
武宗猶在壯年也若

神祖之處馮保真可為 聖子神孫之規則矣夫

神祖臨御年方十齡馮保左右扶持盡心竭力與張居正
內外輔相一時中外噴然稱之未幾馮保少作威福方
萌專擅臺省抗疏劾奏然亦未有合朝公疏也

神祖遂不動聲色而戍休于南京以中國法以保全其首

領至享四十八年太平之福

實錄紀其果毅史臣贊其神智今忠賢在

皇上左右也無馮保之功而備極劉瑾之惡何也劉瑾雖
多僭萌未聞以私塚而等之

陵寢也劉瑾雖暴宮官未有死

宮妃 聖儲之顯迹也未聞以

內操之甲兵四時入

太廟也今忠賢

宮中之受害

陛下知之外臣不敢盡言即

內操一節鼓砲之聲驚天動地而

九廟之神靈不安每饗

太廟御路之上刀劍甲兵圍侍如麻兩監掖

聖躬步行如飛臣等跪迎跪送俱在甲兵之後欲一望見
聖顏而不可得設使有奸細刺客祿于兵戈之中是時變
在呼吸何以為計此二十四罪之中所當即行罷禁不
俟終日者也至加以門戶而驅逐正人以無辜而枷死
多命竊恐黨錮之禍成忠諫之臣不免于凶人之手矣
此二十四罪中無一不當悉究而此猶當急行昭雪者
也漸不可長若待其急滿勢成不可救矣昨舉朝羣臣

駐劄遠營殿之安坐廟堂備萬勞苦朕日在念特賜大紅坐
膝襴蟒衣段羅各一襲采段四表裏銀二百兩以示眷酬
至文武將吏効力宣勞戰守各官軍行間奮力新解功賞
銀備賞犒御前銀十萬兩各樣蟒衣膝襴段疋一百五十
疋聽卿不時賞功諸需卿以心膂親臣肩封疆重任諸凡
軍國大計除章奏批發外一切情形機宜不時入告仍照
閣中奏揭封固徑送朕前庶借邊籌用資廟略爾功早奏
飲至還朝朕時佇望焉特諭

議元戰撫臣王三善恤典

三善立解貴陽之圍迅掃大方之寇功在垂成以接濟
不繼陷敵而死血隨碧化骨逐沙輕忠臣國不受其死

未有奇傑若此也。共事者游移其辭。誦其貪生。諱其烈死。沉寃未雪。卹典久稽。幸按臣陸獻明查勘奏明。公論昭著。科部抄叅。謂袁應泰張銓例可照。而三善更多。全城復地之功。卹贈大興。更宜從重者也。

雲南副使周三錫致仕

公有練遠之才。沉毅之守。汪濊之度。人在其宇下。如入春風。光霽中。自爲令。以至邵牧。民懷其德。士樂其教。以才望拔置藩臬。林泉志濃。課子念切。急流勇退。仕林高之。

命瑩葬贈大常少卿楊繼盛

平遼總兵毛文龍獻俘疏曰。臣自上年秋冬兩次牛毛寨之捷。敵愾倍增。于是部將營兵鼓舞練胆。率之深入。冬底有烏雞之捷。今春夏金州官屯上下把官寨鹽堡妙家峪甜水站高嶺伏州東南三門海州刀兒嶺暖陽柴皮峪分

水嶺橫頭寨、俺班勃烈寨等地之捷、復地自金州至永寧、盜族順岫巖、蓋州以及清河寬奠、遼陽、湯站、鳳凰、城併鎮江一帶計地千有餘里、已經遣將分守設防、數月以來、卽奴有報怨之舉、我兵先發制人、屢挫其鋒、先後共斬首級七百二十六顆、生擒活夷十四名、活獲婦五名、叛党奸細一名、金重德據有傷札符驗、一併驗、順除借問、另次首級外、其活夷顆級、奸細獻之、闕下、全賴

皇上之福、社稷之靈、諸大臣之略、關上指示之力、登津應援之功、許中書犒賞鼓舞之神、暨將士戮力同心、當先用命、賊不能格、遂爾以少擊多、兵成列而載援、故疆失而

勢謀有終
勉之無斁

復得所以屢戰屢捷臨危致勝成功較易人皆曰臣之功也。臣實何有焉。伏念臣受

命海外荷

皇上不次渥恩誓與逆奴勢不共戴稍有機穀卽倍道長驅奴且退徙舊遼陽而不果復築旅順新城以爲攻復之計臣急尾其後擾其耕作擊其惰歸彼方首鼠兩端自顧不服安復他圖所望糧餉充足關上先應便可克復兩河直搗其穴唯是借箸前席汗馬千城皆萬死一生得博此捷旣無按時餽廩以爲免死宿飽之計又無顯名厚賞以慰枕戈帶甲之勞匪獨短英雄百戰之氣抑且灰豪杰任

事之心所望。量材授官，如奮勇設謀諸臣所宜酌量實授，加銜以酬其勞者也。臣察諸將士人品心術悉忠貞不二，忘身殉國之英，其舍爵序而就退荒，撤生死而衽金革，固忠憤所激，亦好名之念，半有以驅之也。

皇上若以遼平之後，收功紀錄，而補其立功不若因九仞之時，先事超拔，而課其速効矣。伏乞

皇上俯念海外效惻，抽腸血戰，用命諸士，亟賜俞允。

勅下該部速爲題覆。將叅將陳維盛等照項加擢，叅謀葛應貞宜加實授職銜，以示激勸鼓舞者也。其陣亡官兵王德相等共三百三十八員，所當優叙以表幽魂者也。

時毛文龍獻俘至長笑兵部以功在海外未可草率遂傳單會審約于本月初五日中府審夷初六日朝陽門外審報是日三法司并兵刑刑臣河南道俱在十二夷至堂上豹貶等五人像貌瘠瘠言語悖戾旁立通事代報有言某爲官某爲將當陣捉獲事之虛實盡不可知視之皆真夷也均當同罪逆之律而勿重四名幼女四婦一姪法屏瘦原非地方作孽之人不過出居夷民被戕師獲後以歸者耳哀哀無知殺之或傷天心之租宥之益彰

聖仁起大于是台臣袁化中上言臣查律令所載凡叛逆之族男子十五以下婦女不計年皆免刑給功臣爲奴今把托等四人止十五以下而鞫既等五口雖年齒不齊均不計年者也事與律合伏祈

皇上大開好生之心以施渡蟻之惠將此九命俱免行刑不惟慈祥所敷上召和氣卽四夷聞之有不歸心向化者誰乎復接文龍將士宜升一擢臣以爲論功行賞只宜就島上諸將士言之若泛泛叙功中外之人無一不叙無一不升此近川惡套願當事者慎之往時獻俘必先告

廟今日之事萬不出此臣恐當事者或于一時侈大之

臣卽照四川宣捷之例行之。臣以爲海外之事與蜀事不同。齊商雖未投首。但獲其僞官。又爲叩其多。俘其妻孥。蕩其巢穴。川有平之實也。今奴之負隅如故。李和引兵養性之助逆如故。在我未嘗有斬將奪城之功。在奴不聞有沒軍喪師之辱。不過小小捷功耳。稍俟文龍或擒李和。二賊或俘如之父子。卽告斷宜捷。豈不快人心而重國典哉。

逆賊陳其愚伏誅

其愚與安邦彥之兄邦俊交好。故逆謀皆出其愚。卽造僞檄發岳塚。已是窮兇。伏誅而又僞降以陷王德。輸貴陽情實。以速攻襲。此等奸狡。真不可一日不誅者。幸監軍御史傅永龍詳知其隱。卽擒斬之。而水西之耳目除黔中之禍胎絕矣。

樞輔孫承宗出關

大學士孫承宗請。戊辰。累臣楊鎬。熊廷弼。王化貞等。不允。

傳是至正情
實是紀不
增本一筆

南工科徐憲卿以江南被災之民急不能忍司農部覆之
疏緩不切救乃上疏曰東南之賦甲于天下而蘇松常鎮
四郡之賦復甲于東南非其地廣利厚足以倍他省也計
東西橫直幅員不過六百餘里而糧輜五百萬六千如一
畝之所入寧幾而漕米連耗二斗十白銀連加派一錢一
分以時價斗米一錢筭之每畝共輸正賦三錢餘銀矣而
運糧收摠解布等之飛差足以傾家蕩產者不與焉然屢
派屢加民之皮骨鮮盡猶忍死急公者祇以年來稍稔尚
可罄所入以供歲額孰意吳天不弔洪水洋洋將我枕重
終事之民淪胥于溺也哉請先以其被災之慘者言之臣

鄉四五月麥收成時也。目今四月二十二日至五月二十
四日雨點如拳勢如傾跌凡三十餘晝夜不休而麥絕爛
無顆粒矣。五六月禾插時時也。窪者多僱人工屨救高者
又貸金錢播種。滿其失之于麥得之于禾耳。乃六月朔後
之雨勢比前更狂更驟。于是圩所圯崩田河混合而苗不
能插寸莖實架室于鳩鵲之巢繫舟于庭楹之上雲水連
天阡陌如江長海闊烟火斷絕村落皆蛟穴龍宮。假使前
此之雨稍後民猶得留二麥以糊口于青黃不接之時後
此之雨稍前民猶得留工本不空掛于澎湃稽天之日今
既腐春麥而絕之又誘民貲而竭之。正撫臣所謂災甚于

戊申而底在南中此等情形皆得之目擊者也至近日景
象更有可異者戊申之水易盈亦易涸茲去大水之期几
三月矣海潮以驟漲不容湖水又暴溢難洩迄今高低之
鄉猶一望無涯三家之都尚乘船入市此一異也萬曆戊
申之水民雖艱于食而魚蝦所產最多故小民皆得網罟
之利以自給若不知有荒者今以如此之巨浸獨不產鱗
受害而受害中之利偏與戊申異此又一異也鮮食與粒
食俱難恒心安得不同恒產俱盡彼人口嗷嗷思珠桂真
何來惟搶掠可苟活于是結聚勾連以叨借爲名欲強開
富舍之版廛撫臣之嚴令者于是胡行亂走以忍餓不得

欲強搶販夫之米。屢按臣之移駐者。此撫臣所謂不敢言
不得不言。而臣在南中。又近日淪亂之景。得之確聞者也。
然使止于鼠竊。猶之可耳。獨蘇郡之民。遊手遊食者多。卽
有業。不過輦玉點翠。織造機綉等役。一遇凶荒。此伎皆無
所用。而立就于淪。故奸民往往乘而亂。臣猶記

神祖時。葛賢以監稅藉口。徧徂一呼千人立聚。白晝將丁
鄉官家抄搶一空。萬曆庚申。因過羅米騰。一二饑民強借
徽商之米。有司稍繩以法。而隨有萬人屯聚府門。毀牌毀
役。几致大變。况今日閭閻之消耗。益甚于昔。人心之思亂。
益甚于昔。如淮揚妖黨長興逆徒。所供強半吳民。真可寒

策善矣然
往往改折
而大戶如
爭私通越
境以圖厚
利即桑梓
之誼不顧
奈何故必
嚴私販之
禁以佐平
糶之令

心奈何不預爲消彌而堪令心腹之地再有割裂財賦之
區堪經蹂踐也乎然其故不過米貴爲之崇也臣以爲欲
地之安靖必先定米價之平而欲米價之平必早下改
折之令我

皇上若亟發德音明告以天啓四年分之漕糧四郡盡行
部折每石五錢則人皆知江南餘百萬之米而富者不必
留以射利販者不必席以爭贏米不期平而自平粟不期消
而自消矣且以今歲漕事度之亦有不客不折者漕艘自
山東妖變回空已阻漸積愈遲馴至六月未齊煩督漕使
者竭盡心力而莫可挽勢必將歷下一年而折之既可正

清規又可蘇民命無損于上而有益于下想

廟堂之上計無出此者。臣非不知漕儲然軍國大計司
農窘迫無策聞之擇害莫若輕而用財太濫者究之太費
嘗驚心于齊蜀已往之變寧獨不能食土之毛又倍加削
平之費臣是以權于緩急輕重而願

皇上暫捐一年之入長責四郡以萬年之供者也。想按臣
勘疏且晚呈到

御前乞

勅該部將撫按二疏與閣臣省台徐吉等疏亟議再復災
重者蠲災輕者折予以沛

皇仁而杜隱憂。

社稷靈長之慶端在此矣。然臣因是而慨南中傳造之濫焉。

留都之被災同也。思亂同也。

帑藏之匱乏同也。臣自七月奉

命巡視錢糧。見內監日催絹布。催制帛。該部方苦無以應。而黃紅銅鉛涼暖罩。熬山龍燈。及進茶果等件。而傳造又至矣。夫此項錢糧。數多開天啓二年之成造者。尚未解運。曾幾何而又以可省之務。空懸罄之帑。古者年不順成。君衣布。措木。關梁不租。山澤不賦。今何時也。遼土淪亡。黔師

樂庵清暇
神筆注下

新喪。客會雖通。而建昌三路。復使蓮妖雖殲。而失業之民。又動。水旱盜賊。天地時有震裂。災變無日不書。九邊之士。方枘腹以控結。草澤之雄。日窺闕而嘯聚。此不減損示貶。徒汲汲于供應之器物。恐非。

明主意也。內臣啓之也。夫內臣受。

恩隆盛。正宜爲。

天子節財裕民。鞏固祚于磐石。而後此輩亦與之俱安。若急無益之役。以困民。萬一啓釁召禍。此輩身家。又于何處安頓。雖有金玉焉得而享。諸是在。

聖明超然遠覽。毅然獨裁。

論該監毋輕請

旨下部該部毋輕傳咨授南使南部不盡之物力專留以
佐軍興勿徒以資尾泄于今日救荒一策豈曰小補臣職
掌所關又慨于中不得不因論荒而娓娓及之惟

皇上詳察

詔停刑

以甲元建歲仰承天眷遵
皇祖恩例故也

鄒泗盜平

山東巡按魏元緒謹奏竊自鄒滕用兵而後已經先後
兩撫臣極力招撫多方安插竊無意外之虞矣臣春初
踏勘時止鄒泗接連去處一山內值避亂數十人畏罪
猶豫飲賭圍聚然而為類不多一呼可至地方官稍一

仁人之功
澤

大功

皆深著

留心即可。左刻散也。隨經臣出示曉諭解散安插。而前
縣官聞章特異。毫不照管。新調各官。又以部費稍遲。未
即復任。兼之旱港為虐。河工中潰。各處饑民。團聚千鄉。
泗等處者。約有三百餘人。時出搶掠。該京州府知府曹
文衡。鄒縣知縣郭人吉。到任之後。親詣賊巢。安撫李守
已等七十餘人。皆謂鄉里凌逼太甚。控訴無門。不得已
團散山谷。願就招撫等語。隨取各親黨保認。結入保甲。
仍各捐條安插。郭境遂寧。所餘泗賊無幾。日內可了。而
無端奸棍。吏書劣生。滿不溢等。倡言賊眾數千。扎有三
大營等語。搖惑遠邇。民心惶惶。
魯府丘承奉倡言。蒙疎首遷輻重。賴府曹文衡嚴切
禁止。民心稍定。各官于是張大其辭。爭言幾萬幾千。
請兵進剿。而領兵官造次輕進。又不杜其歸路。以致縱
虎出柙。四散搶掠。警報日至。變在目前。隨該撫臣檄下
如飛。詳悉區畫。而臣亦從閑中。往返商確。朝夕督率。復
拿倡亂史言行。平定安插者。即行
勦或撫。不行平定安插者。即行
隨參重處。續該帶管沂州道右布政使徐從治。親詣泗
城陳兵。以示勦之。之勢傳牌。以示撫之。之機。復該鄒縣
知縣郭人吉。仍請賊巢諭以禍福。各賊一見傳牌。蟻附

甲第諸公
忘身任事
故禍難即
矣

南朝徐作金

卷二十一

三

而至。隨該曹知府張同知郭知縣徧行親審。原係鄧縣
者。歸鄧酒縣者。歸酒縣。奉安費縣曲阜等處者。各歸本處
安插。外省者。順便回散。仍各詳造花名文冊。備細開報。
外復該知府曹文衡。奉將李在宋署泗水縣同知張萬
日。于本月十七八等日。親詣各山內徧行搜索。絕無一
賊。唯滕縣兩伏山。尚有舊賊三十餘人。隨該曹知府李
參將郭知縣領兵親征。旦夕可平。等因。各京報到。臣該
恐有中變。未敢輕信。候至本月二十二日。署沂州道徐
布政回省。臣同三司官。開門迎見。及同在外三司官親
行旁問。但云地方安靜。絕無一賊等語。此在座各官。及
隨傳各官。役親行聽聞者。並除各處留兵防守。臣已行
文責成。及泰安等處。應行收留安插者。臣各行文傳示
外。臣蓋因是而不能無責望于守土之臣也。諸臣身任
一方。彌益安民。是其職責。今先事既昧。覺察事發。又不
嚴拿。及至事勢猖獗。莫可收拾。而一味姑息。縱兵之法
。豈功能司民社而頓令至是。且如一縣。平鄉兵之法
。有何難事。臣入境。首列條約。相見。即行而論。及委官查
勘。百無一行。而入春以來。寧陽陽谷。青寧費縣。泗縣。曲
阜。聊城。息縣等處。日滋久事。恬不為怪。人平時既不能
行臣之法。矣。直至今日。乃敢侈言賊易。何無忌之甚。

也。今事勢初定，臣請以各地方完全付之。各守令而計與定。一。考覈之法，自後不行。縣兵保甲而輒以失事報者。一次。二次。免。參。拿。賊。三。次。季終類。

題罰條。三。值月。賊。罪。拿。賊。四。次。五。次。罰。條。六。值月。立限。嚴。拿。過。限。不。獲。赴。部。降。用。如。畏。避。參。罰。不。申。報。者。出。即。行。參。處。失。事。地。方。不。論。何。處。流。賊。正。責。該。地。方。官。不。得。借。口。鄰。邑。致。滋。推。諉。至。于。各。道。府。統。治。合。屬。州。縣。失。事。四。處。以。上。聚。賊。至。二。百。人。以。上。不。行。解。散。捕。賊。即。行。

請兵者一

題參治罪。如是而保甲不立行。盜賊不斂跡。臣不信也。如臣言可採。伏乞。

勅下該部印連

題覆施行。臣草疏已畢。鄰縣知縣郭人。言。又將遠去賊首戴世魁。至膝縣擒獲。其餘賊竟無幾。見在追逐。

旦夕可了。鄰泗之賊大槩定矣。從容確查另報。

閣議纂修

神廟實錄應分任責成按年完進

上從之。命各官加意綜稽。協恭裁酌。務期早成。大典。

大學士孫承宗疏叙關外勞臣。

臣等教匪
犯塞之將

其略曰。兩河奔潰之後。將吏竊足。關門而處。環入里。鋪
殺大東。虜方在大凌河。西哨誘誘。遂及寧前。于時視中前
卽爲異域。而前屯寧遠不超。虎穴。臣以九月遣經歷程
崙同左輔探三百里外。議議。山三。兩難民。而業以旬日
陷矣。于時崙等凡啖虎口。而收東來之民百餘人。以歸
于時付總兵趙率教。以三十餘丁。駐前屯。剪荆棘。驅豺
狼。牧不可知之人。投不可知之地。而徒手爲防。楊腹爲
役。今所部官兵六千餘名。皆其所簡。其遺。王會不費。安
家。招調。而後先安插。遼人五萬有奇。時予之衣食。遂卒
以爲屯。爲勦。爲撫。不費公家一錢。而時出其餘。以接濟
他城。乃賊入。更有斬獲。盡奪其馬。驛器。里間公私田數
十頃。卽兩年公屯。可值十餘萬。其修城。有巧思。有堅工。
真可爲百世金湯。其兵馬錢糧。皆分。明不獨手不泥。
一鎗。亦不令部下泥。一鎗。而致。遺。子後。見漢官威儀。
此一官者。舊舊。國新功。懷家。他。國難。父死。未葬。
而更從臣。其遭虎口。而幾死者。屢矣。最久。最勞。獨先獨。

聞諸君面
如冠王技
勇人果
而將也

試人更難

若其所為儘可為諸臣法乃其意氣發揚不獨詳臣以
主也當加總兵官以風先勞之臣其在寧遠則有付總
兵滿桂初以勦撫兼長用為中軍從宋薦借之寧遠
能遠哨探理墩堡一意拊循災民而約束兵丁無敢稍
違者惟西虜殺我將邀截我西來難民于是有大凌河
之役尤世熊斬獲四十三級奪達馬六十餘匹而擄
受款兩酋互異桂操縱之盡屬條縱及拘密挾款而桂
以臣言之定省可二十餘萬諸酋膜拜感畏偶有夜竊
遂殺一捕一先遣詰責而虜諱言去當是時環野盡推
結之寧遠平城盡短髮之遺子而眾方承驚兵盡為合
桂能事為計理人為安插合兵民百萬餘屯種至五
里而開墾盡事有法其體貼人情能使強口舌攝
胆傾心而驅使丁壯能用其死力至假胡服以夜射
虜用間謀以往來賊巢皆出人意表而每欲獨出一路
以當賊且以臨替之材而誦能昭善每事輒以趙率教
相權乃至禮有所不安故寧去官而不肯為故關外兵
民咸為神慈而大凌河之役虜頭敵五頁而合營盡爭
為頭敵此一臣者大勇沉潛真忠懇到從來中權之任
體貌崇隆一脫傘幕立為登壇而桂能去最矣聞之地
孰最險遠之區木既饒為性復坦蕩蓋天授直樸人當

夫用令與趙率教同授總兵官仍管寧前衛事務其例
先後出關防宋諸臣如魯之平等宜酌貴論俸就其所
長而量
為加升

樞輔孫承宗以病乞歸吏科許譽卿上疏請留日臣接邸
報見督師輔臣孫承宗遠累臣一疏心竊訝之幸
聖明有楊鶴等姑待以不死之

旨大哉

王言神武不殺常刑罔放備載是矣又見五防叙勞各疏
舉前後大小將吏無一遺焉有見任而叙者有離任而叙
者有死事而叙者有卅議而叙者或有甫經考功法奉
旨處分而亦叙者說者曰遼土未歸版圖遼臣盡入薦疏

毋太濫敗臣翁望樞輔或借此鼓舞人心共圖滅賊是亦一道也故未敢據職掌駁正而不意病苦懇放之章同時而至夫樞輔不啻更調各邊丁壯乎不啻儲戰車于闕請火藥于朝及催器械于工部括馬匹于太僕寺將謀大舉乎

皇上近日不又嘗發內庫之兵伏搜內帑之多金帛遣中使宣資軍前乎舉朝方鰓鰓焉慮謀不萬全必不輕動曾幾何時而乃以病求放也然則進師者真耶稱病者真耶不暇繁詞就樞輔近疏亦曰

皇上勅臣以漢臣亮唐臣度矣請卽以此効他山之石可

乎諸葛武侯食少事煩爲敵人所料猶躬盡瘁裴晉公
削平淮蔡始奉身以退開綠野之堂故至今人一惜之一
祭之樞輔之病未必如亮恐奴酋一日尚在斯亦淮蔡未
下之日矣說者又曰樞輔久勞塞上此舉當再入中書耳
臣則曰否從來伴食貽譏史不勝書而惟寇萊公之在北
門韓魏公范文正公之在西夏千古以爲美談臣如樞輔
生平自待必不以彼易此也不然昔之超同列而

宣麻者是何特恩今之懷萬邦而錫命者是何殊寵而
草草以一病結局夫豈當年慷慨督師之初志哉臣不敢
忘諱竊謂樞輔一臥病則將吏人人解體不知叙薦諸臣

者謂何而計復出此伏祈亟

勅拒輔勿申前

請務成後功毋緩失事機毋躁墮賊計庶上釋

皇上東顧之憂下答中外推轂之望而

社稷封疆胥有賴矣

請其疏以知其人品心術之方正

十月巡撫程紹奏報玉璽見漳濱大約以

聖明不貴異物宜登庸至寶以圖萬世治安其疏曰臣謹按史傳秦併六國得楚卞氏之璧命廷尉李斯篆文玉人孫壽刻之文曰受命於天既壽永昌逮漢以還相襲爲傳國璽至永嘉後沒于列國遂不可復得暨宋元符元真之朝段義翟朝宗崔或楊恒之徒迎合寧宗附會太妃假手爲偽接踵相愚見於李微之楊慎所辨駁者班班可考鏡也蓋秦璽之不足徵久矣今管河北道臣張夢鯨呈稱漳河之濱得玉璽一顆親齎至汴臣諦觀審視方稜無缺依然全璧聞至漢平世已缺一角知此斷非秦璽至津潤璽

歷精光內藏，應是數百年內物。一但風撓水湧，出河恭誦篆文八字，誠萬年。

天子之吉祥嘉兆也。臣以記載所傳聞實有不在此者，昔

王孫圉不寶白珩，而寶觀射父之作訓辭。左史倚相之獻善政於寡君，齊威不寶照乘，而寶照千里之臣。彼叔季侯王，寶得其寶，因是猶能名顯列國，聲施來茲，斯足述耳。今聖主惜才，賜環拔滯，固宜哲人布列，野無留良，尚有一代名臣如總憲鄒元標、馮從吾、尚書王紀、周嘉謨，盛以弘孫慎行、鍾羽正、余懋衡、侍郎曹于汴等，沉淪丘壑，咏賦白駒，不及今大用人，壽幾何？又有一斥不返之詞林，一網不起。

之臺諫此皆

皇國禎祥

盛朝珍寶臣不能叩于

天聽致之

明廷乃僅僅執一古靈光致比七十二代之後故事臣實
羞之惟是玉璽之出實在職封疆之內事屬曠異道路喧
傳郵亭驛使恐有聞之

禁闕者旣不應還瘞地下又不敢私秘人間欲議委的當
官員捧進

殿跡涉首瘤亦非臣誼然似應少緩須臾恭候

皇上之命至璽之世代篆之工拙俱非臣之所敢知也臣
迂且固不能歌天啓之風始效華封之三祝惟竊自附於
尊

君好

君之義伏望

皇之達觀承命之真符不在偶藏之舊寶怡神寡慾親賢
納諫在

懔懔以進
賢爲寶是
右大臣心
事

朝之忠直勿事虛拘遺野之名流急爲登進圭瓚集於
清廟瑚璉貢於明堂謫謫言人爲
天子贊襄神臞永固金甌雖謂虞舜之黃璽夏禹之玄圭

至今存可也

九月初四日臨漳縣學生員王思極王燦同鄉民邢一秦等在本縣地方務本庄東去磁州八里漳河西畔平地忽風大起旋達直騰而上視之閃出黃白色物一塊大如斗品瑩異常光潔陸離龍紐龜形方各四寸厚三寸重一百十餘兩上有篆文曰受命於天既壽永昌奏聞命進表官齎進

福建撫臣南居益遣兵破走紅夷焚其城獻俘奏捷其辭曰紅夷之睥睨彭湖自韋麻郎始非一日矣彼時賴良將講懾猶能以三寸舌立功而此番到彭湖則酋長不止一人番衆且以千數築城據勝實懷久假之心薦食啓疆每作橫敵之勢海天風雨盡淩鯨氛閩越山川幾成腥界安危所係寧惟半壁藩籬疆弱攸關幾累

靈長社稷所幸

廟靈默祐將吏同心共擊楫於中流必滅此而朝食往年
中左之役業半盡於殲俘此日彭湖之師遂全收夫掃蕩
壓壘而營者三閱月固知釜有游魚毀城而遁者十餘艘
已見穴無伏鼠稍開一面見

天地之包荒恢復寸疆亦山河之增壯蓋惟

皇威赫震神武丕揚

密勿定九伐之謨樞府佐六師之命臣等勉承

重寄幸効微勞銷鋒鏑于

中興願爲蒿矢慰

昆旒之南顧敢作遽除謹露布以馳

聞知

天顏之有喜也

閩久受夷患但向來飄泊海上挾市捨掠猶可追逐惟
據彭島築城三載以來進退有恃兼以澎湖風濤洶湧
難戰官兵憚涉雖有中左之糾夷無退志於是南撫臺
力主渡彭搗巢之舉移會漳泉募兵買船選委守備王
夢熊諸將士開駕于天啓四年正月初二日發吉具突入
鎮海港且擊且築壘一石城爲營屢出奇攻各有斬獲
夷退守風櫃一城是月南院發二次策應舟師委加銜
都司顧思忠等統領至澎湖鎮海會齊嗣是攻打無虛
而夷猶然不去南軍門慮師老財匱于四月內又行巡
海二道親歷海上會同漳泉二道督發第三次接應舟
師委海道孫國禎督同水標劉遵榮澎湖把總洪際元
洪應斗駕船于五月二十八日到娘媽宮前相度夷城
地勢風損三面臨海惟時上嶼一線可通掘斷深溝夷
舟列守宜先攻舟後攻城舟不可泊城必不能守矣遂

文臣待朱
二道功勞
最大

于六月十五誓師進攻夷恐羈留商民內應盡數放還
適南軍門又授方畧齎火藥火器接應卽日運火砲登
陸今守備王夢熊等直趨中墩扎營分布要害經其派
道禦其登岸擊其疏城夷舟又今把總洪際元等移策
應兵船泊鎮海營前海洋直逼夷船候風水陸齊進七
月初二夷計無復之令夷日同通事赴鎮海營面見求
開一路孫海道同劉遊擊嚴責夷目問能速還信地遲
則攻勦無遺初三日我兵直逼夷城改分兵三路齊進
而夷恐甚牛文來律隨豎白旗差通事同夷目至娘媽
宮哀稟牛文來律奉咬啣肥王差齎公文赴投本院並
無作反乞緩進師容運糧米上船卽拆城還地孫海道
恐攻急彼必死聞不如先復信地役一網盡之爲穩姑
許之夷果於十三日拆起運米下船止東門大樓三層
爲舊高文律所居尙留戀不忍乃督王夢熊等直抵風
櫃盡行拆毀夷船十三隻俱向東番遁去我師犄角札
營防其復回并議酌善後事宜是役也同心戮力諸臣
則有按臣喬 左右布政游漢龍陸完學廉使朱身
修叅政朱一馮副使高登龍叅政孫國禎沈珣楊公餘
副使沈萃禎桂紹龍胡爾慥僉事葛寅亮知府潘師道
同知趙經何舜齡推官林棟隆簡欽文知縣李燦然楊

武臣王刻
二洪勞苦
特甚

廷詔劉斯涑陳以瑞等武臣則有鎮守副總兵謝弘儀
南路副總兵俞咨皋遊擊劉應龍都僉李應山參將陳
文場遊擊鄭嘉謨都僉吳從質彭洲把總洪際元把總
洪應斗守備王夢熊坐營張虎臣把總陳營等所宜分
別功次陞賞以慰効力疆場者也計解生
夷十二名酋長高文律等酋目而論那等

起余懋衡南吏部尚書曹於汴南都御史

慶陵工完。

申飭監規。

時監臣言太學爲首善近來成規錯亂告假不已且圖
起撥越撥不已竟欲納班所當申飭告假不許曠撥歷
不許月期假借名色冀免坐班則考較有時附微有地
納則且爲利藪非立教之初意矣相應題復申飭其納
貢充附出身原殊納貢當八箇
月充附生照青衣量減一月。

改折江南漕糧。

命行人姚昌錄護送故都御史孫琬喪回籍

兗州知府曹文衡以平盜功謫陞兗州道右叅政

原任太僕卿史孟麟以

國本功得

贈恤典

以開聖功

進王天瑞永寧侯郭振明博平侯

刑科劉先春請用未盡用之賢以暢人心疏曰先是南銓

缺冢宰臣集衆論以鄒元標名上一時

聖意難測慎重不報中外擬議騰沸玉出金鏞勿陳東序
豈其求舊非與注內有期蓋數月以來而無不喁喁是冀

今馮從吾以南憲晉大司空矣余慙衡南宰曾工汴南憲
次第報

俞旨矣獨元標未有所底一似留銓舊旨果

君父之有成心而拜禮艱難爲骯髒之誠棄物拔茅之亨
不勝連茹之惜談者鬱鬱而臣竊以爲不然夫元標筋力
未衰者也設其果衰几杖之頒從古自有優禮元標杖下
餘生天留之以襄堯舜之治意者實旃養注几杖遺意不
欲以筋力煩老臣乎是

皇上之意原非厭薄元標昨陳良訓

聖主無成心一疏奉

旨該部知道明以推擢付主辭矣是

皇上之意又未嘗不欲用元標今日者

聖意漸昭且衆正彙登不謂非同陞之漸顧人情疑信尚半

皇上於此亦何靳一如綸再

勅啓事普一視之仁暢羣心之望以見元標立須起用者也

中朝士紳又誰不加額彈冠也哉

兵科王鳴玉請停貢例以惜名器疏曰竊惟國家三途並用除鄉會兩榜外額貢循資恩貢考選皆以文字爲致身

激騰已極不可不俟

地故雖門戶單寒之士肉食執殳不敢與相頡頏豈非重詩書而耻以賄聞也哉其他事例輸貲盡屬末局雖先年例貢偶一舉之限人限時隨舉隨罷天啓二年工部以陵工議開巡視利道臣劉弘化劉芳力持不可三年戶部以濟邊議開奉

旨各款俱

允惟例貢獨停蓋于萬不得已之中寓愛惜名器之意焉須巡視臺臣疏上部議

陵工十月限完事急無措暫開貢例內有十人可得半萬之語工完卽止法非不善而部疏爭執科臣調停稍示兩

存之遂倚爲銅山金穴一往不返夫以

陵工則十月已報竣可以止矣若曰濬邊雖盡天下之庠序而貢之母乃猶未足乎臣約而言之有不必者三有不
可者三廣寧陷矣遼陽失矣兵無片甲餉無粒米此告身
易一醉之時猶不以正途爲市顧冒濫于河清風見重出
命新之日乎其不必者一兵可核也而不核餉可查也而
不查稍一留心可餘數百萬乃泥沙虛擲于紙兵而錙銖
濫取于正途乎其不必者二劄開于宸輿之年天下廩監
輻輳雲集今已五閱月咨送吏部不過數十人所得幾何
而冒嚮爵之虛名其不必者三廩生曾經學臣優取盡一

時譽髦閱各省賢書中式大半今一趨于賄士風日下士氣日卑所憂不但在乏財矣其不可者一富者倒出囊中貧者聞之借貸仕宦之捷徑取償於他日欲世不濁民不窮豈可得乎其不可者二南部取數既多吏部選法益壅正缺又少勢必與貲郎等是

朝廷以正途爲餌而愚天下之寒生也彼斯跑之才陷身末局欲返初服又可得乎其不可者三有此三不必三不可而冒昧行之得少失多當事者可不深長思耶

降吏科魏大中吏部員外夏嘉遇御史陳九疇吏部尚書趙南星左都御史高攀龍乞罷

此消長一大關頭也
識者憂之

允之科臣沈惟炳疏救亦降調時山西撫臣缺南星見有
行餽以求之者故特以太常卿謝應祥沉靜有爲能稱其
職言于員外夏嘉遇嘉遇述于掌河南道袁化中化中深
然之及化中途遇大中止告以故應祥曾令嘉善大中素知
其才守力贊遂會推焉乃御史陳九疇論應祥昏耄大中
有所私其間訐辨不已有

旨會看吏部與都察院等衙門復疏言臺臣論人失實九
疇大中嘉遇各降三級調外任及

嚴責部院大臣含糊偏比于是南星攀龍皆引罪去大學
士韓爌朱國禎等以一事而免兩大臣降處諸言官且御

批徑發不復到閣而憲臣一疏票帖又蒙

御筆改移大駭聽聞有傷

國體具揭請留三臣并省言官

上曰卿等奏優禮大臣朕豈不知但我

祖宗設立會推會看原非爲師生植黨比今冢臣及憲臣
附和依違全無公論知有情面不知有

朝廷或

世廟時必不敢如此其沈惟炳妄言逞臆降調已示薄懲
周昌晉疏語稍平是以姑從輕處朕前已有諭旨着部院
一體申飭卿等心膂重臣不必挺身救解亦不可過生猜

付致滋煩擾紛囂還遵前旨行

惟炳疏內有云恭釋

聖旨有曰朋謀結黨夫諸臣方比肩立朝同心報

國誰爲此言以告

皇上從來小人禍

國必指正人爲黨蓋攻一人者僅

可去一人而黨之一

字則可空一國發端甚微貽禍甚

烈

皇上玄覽古今當必看破及此近大小臣工請還已往

臣方且靜聽

俞旨而復有此交際將使爾益不芳荃蕙爲芳而後可

乎

御史謝文錦等請恤

國體而待二臣以有禮聞言路而還沈惟炳以原官吏科

許譽卿等亦有公疏俱報已有

旨時吏部文選郎張光前甫入署二旬以家臣後先立

立

荷諸君之
好義如始
也

朝人品事業昭然在人耳目一日蒙

嚴旨以去誼不自安亦上疏求罷大畧以選司爲部堂臂
指南星所甄叙而進退者臣實佐之功罪其焉前此啓事
既無當于

聖心日後升除懼難追於

譴責臣不知所以自裁矣

考功司郎中鄒維璉亦自請罷斥其疏曰臣荷

皇上厚恩拔置銓司待罪考功夙夜兢惕俯而思曰何以
不負

聖明之任使則亦惟籍奏章題覆之間分功別罪以飭吏

治而明

國是少報

公平之論

聖恩于萬一耳。故自供職以來。信理信心。矢公矢慎。績有可錄。雖被浮論。斷不以刻乘人。罪有難追。卽憑城社。必欲以法從事。大計在邇。方圖與臣堂官趙南星澄清世道。畢

臣報

主之一念。而後乞身。不意臣堂官竟以會推晉撫一事。奉旨看議。遭誣受譴矣。竊思題覆雖繇家臣主持。而考功職掌承行起單呈堂。功罪一體。今以三朝風望之元老。任怨任勞。力爲國家慎名器。抑僥倖。且蒙不公忠之

昔以去。臣又何能辭罪乎。臣若暗中躲閃，誠然不吐以爲，

苟免之計，賣友之人，卽是欺

君之人。臣豈敢蹈欺君賣友之事，而令皇甫規笑人千載之上哉。疏入，允去。

上諭大小臣工曰：

朕紹承大統，四載于茲，值軍

旅頻興，封疆未謐，兼天災踵至，歲事不登，致海內蕭條，民生重困。所望君臣一體，上下同心，登進仁賢，講求兵食，奠中國以禦夷狄，修人事而補天工。朕每食寢弗寧，焦勞罔恤，未得安攘之道，乃爾等大小臣庶，坐享國家之祿，靡懷君父之憂，內外連結，呼吸應答，盤據要地，把持通津，

念在營私事圖顛倒誅鋤衆正朋比爲姦欺朕躬冲無所
忌憚通年以來恣行愈甚忠貞皆爲解體明哲咸思保身
將使朕孤立無與而後快罔上之心抑使人盡緘口然後
滿其無將之念歟朕前已有特諭備極詳明如何大小臣
工視若弁髦全不尊信幸天啓朕心豁然頓悟近覽御史
陳九疇會看文書乃國事攸關輒任情軒輊法紀所係謬
與調停統均之道旣乖風憲之猷更失因思從前所爲皆
是欺瞞但遂營謀之私不顧肺肺之見今元亮已放羣小
未安或公相黨救或妄肆倩付本當根株盡拔徹底澄清
念玉石猝未能辨

雷霆詎可驟施論爾徒衆姑與維新洗滌腎腸脫換胎骨
果能改圖仍當任用如有怙其稔惡嫉夫善類甘爲指縱
之應天罔慮貽遺之禍患朕將力行

祖宗之法決不襲姑息之政矣

左都御史高攀龍疏曰御史回道言察憲綱至嚴節奉
列聖之明旨

皇上之申飭不爲不諄復鄭重矣迺不意有慢視憲規恣
行無忌如巡按淮安等處崔呈秀者

陛下不以

臣

爲不肖使

臣

西臺豈欲其是則是非則非漫

無可否爲隱默乎

臣

初入院適見有兩御史回道一爲江

謝公巡按
江西有地
方民情一
跡可法也
神可動木
石

南朝後信錄

卷三十三

七

西巡按謝文錦一爲崔呈秀心訝曰異哉兩御史一時回
公論道一至清一至濁行徑較然臣不別白爲

皇上明言之是不忠之大者也卽察河南道考格無何河
南道袁化中以其考核謝文錦者至臣卽以稱職考奉

聖旨謝文錦着回道管事欽此越二旬而化中始以考核
呈秀者至化中蓋難於言者矣臣去年奉

差而出復

命而入今年復奉

差而出復

命而入往來淮楊間所見淮楊士民無不謂自來巡方御

史未嘗有如呈秀之貪污者。強盜地方大害也。每名得賄三千金。輒放訪犯。地方大惡也。得賄千金。輒放。不肖有司。應劾者多。以賄免。不應薦者多。以賄薦。至御史出巡。每有節省公費助。

國用者。呈秀到處透支一萬四千兩。各縣賠補。不勝其苦。彰彰於地方耳目。不可得而掩。臣時以非職。掌所關。不敢

訪其主名何人。至於舉劾失真。貪酷漏網。則有兩淮運使同知譚。是在呈秀所薦也。呈秀甫離地方。而鹽院劉

大受且臚列其賍私入告矣。則又有霍丘知縣鄭。是

在呈秀所薦也。吏科魏大中且發其餽遺奉。

旨提問矣。是賄而薦之實証也。

臣

嘗竊嘆人臣之負

國又自負也。受

國家之寵榮若何。而所爲者不務於可榮。皆蹈於至辱。御史巡方寵榮極矣。如呈秀者辱身辱

國何如哉。

臣

聞其知譚

之貪污論劾也。天相稔其易

與奉之以千金求免劾而卒免。天相益稔其易與也。又奉之以千金求薦而卒薦。則是搖山撼嶽之威祇供其禦貨攫金之用。而播間壟斷之賤且日居觸奸指佞之官。臣故謂其至辱所當重處以一洗巡方之辱者也。伏祈

勅下吏部議覆施行。奏上。

王叔道于
秋霜刺隱
聖澤安免
切齒

上命吏部重處已而革職行撫按勘明透支數目具奏
御史李應昇糾閣臣魏廣微負罪愈驕疏曰臣聞分莫嚴
於

君臣禮莫重於

朝祭罪莫大於不敬此三者盡人而知之也大臣有罪席
榮以待臺諫執白簡隨其後其誅之則國之法也其赦之
則

君之仁也未有驕蹇不恭于前恣睢無忌於後如大學士
魏廣微者方其偃仰高臥不拜正朔迨其日中祭畢然後
聞入

廟門科臣以無禮糾之所謂自作之孽於人何尤哉

皇上至仁既已赦宥不問而姑以敬慎二字示金錢愧心之義廣微杜門省愆亦應咋舌愧死而不意其因禮科諸臣之言悻悻托疾猖狂呌號若撫劒疾視以恐喝諸臣而關其舌者臣不知廣微品足以服天下乎才及以匡

社稷乎抑軍旅之勞足以勒鼎彝乎三者無一焉所翹然自負者不過曰罪止失儀云耳夫行禮差錯始謂失儀謹按

大明律失儀朝賀者笞四十祭享失儀者杖一百廣微宜何居焉可覩然復入中書之堂乎而一則曰違時再則曰

違時。臣聞孔子曰：「事君盡禮，人以為諂，雖違衆，吾從下。」孔子之違時者如此，豈廣微之慢？

上無禮者爲是，而時之戴星鵲立奉璋駿奔者反爲非乎？國家設言官，稱耳目近臣，言及

乘輿，則

天子改容，事關廊廟，則宰相待罪。廣微之父嘗爲言官，公正發憤得罪，閣臣以去聲施至今。廣微獨不念乎？奈何比之路馬，斥之此輩，夫不與此輩爲伍者，必另有一輩作緣方今

聖天子在上，賢公卿在下，廣微有何疚心之事？清夜抱慚

漢見指擿輒自張皇若十手十目之暴其隱也。最可駭者。
身爲宰相固已位極人臣。猶快快以不得好官爲恨。奚忍
更有他念而公然出此語以告之。

皇上是尚有人心。尚有人臣禮乎。伏乞

皇上戒諭廣微。繹敬慎之

旨。安臣子之分。退讀父書。保其家聲。毋倚三窟。與言官爲
難。庶上可以對

聖明。下可以對士大夫。而異日亦可以見乃父于地下也。
疏入。罰應昇俸一年。